

*Zakonodavno-pravna komisija/
Zakonodavno-pravno povjerenstvo*

Законодавно-правна комисија

Broj: 0-1/2-02-1858/22-3
Sarajevo, 05.10.2022.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

| Primljeno: 06-10-2022 | | | |
|-----------------------|------|---------|------------|
| Org. jed. | Broj | Priloga | Vrijednost |
| | | | |

**PREDSTAVNIČKOM DOMU
PARLAMENTA FEDERACIJE BiH**

Zakonodavno-pravna komisija Predstavničkog doma Parlamenta Federacije Bosne i Hercegovine (u daljem tekstu: Komisija) održala je 45. sjednicu 05.10.2022 godine kojoj su prisustvovali svi članova Komisije. Prema jednoglasno utvrđenom dnevnom redu Komisija je razmatrala:

1. Inicijativu za davanje autentičnog tumačenja čl.1.,2.,3. i 5. Zakona o vanrednom usklađivanju penzija ostvarenih po Zakonu o službi u Oružanim snagama Bosne i Hercegovine ("Službene novine Federacije BiH", broj 25/22), koju je podnio zastupnik Zijat Mušić,
2. Prijedlog prečišćenog teksta Zakona o budžetima u Federaciji BiH, koju je dostavilo Federalno ministarstvo finansija, zaprimljen pod brojem 01/2-02-1017/22 od 8.6.2022.godine,
3. Dopis Notarske komore Federacije BiH broj:2-466-2-3/22 od 27.9.2022 koji se odnosi na očitovanje Komisije u vezi primjene sljedećih federalnih zakona: Zakona o notarima, Zakona o stvarnim pravima, Zakona o zemljišnim knjigama, Zakona o nasljeđivanju, Porođičnog zakona i Zakona o registraciji poslovnih subjekata čije su pojedine odredbe bile predmet ocjene ustavnosti po presudama Ustavnog suda Federacije Bosne i Hercegovine broj U-15/10, U-22/16 i U-20/22.

Na osnovu člana 44. stav 1. Poslovnika Predstavničkog doma Parlamenta Federacije BiH, Komisija Predstavničkom domu podnosi sljedeći

IZVJEŠTAJ

Ad-1

Inicijativa za davanje autentičnog tumačenja čl.1.,2.,3. i 5. Zakona o vanrednom usklađivanju penzija ostvarenih po Zakonu o službi u Oružanim snagama Bosne i Hercegovine („Službene novine Federacije BiH“, broj: 25/22), broj 01,02-02-1675/22 od 10.08.2022.godine, koju je podnio zastupnik Zijat Mušić

Komisija je razmotrila Inicijativu za davanje autentičnog tumačenja čl.1., 2., 3. i 5. Zakona o vanrednom usklađivanju penzija ostvarenih po Zakonu o službi u Oružanim snagama Bosne i Hercegovine, koju je podnio zastupnik Zijat Mušić, Izjašnjenje Vlade FBiH V.broj: 1307/2022 od 1.9.2022.godine, kojim se Prijedlog za autentično tumačenje čl.1.,2.,3. i 5. Zakona o vanrednom usklađivanju penzija ostvarenih po Zakonu o službi u Oružanim snagama Bosne i Hercegovine ne prihvata i očitovanje Odbora za boračka i invalidska pitanja Predstavničkog doma PFBiH koji se odnosi na zahtjev za autentično tumačenje čl.1.,2.,3. i 5. Zakona o vandrednom usklađivanju penzija ostvarenih po Zakonu o službi u Oružanim snagama BiH koji je pokrenuo direktor Zaovda PIO FBiH, a kojim se navodi da su odredbe predmetnog zakona jasne i da nije potrebno autentično tumačenje. Budući da se Odbor za boračka i invalidska pitanja Predstavničkog doma PFBiH nije izjasnio na dopis broj: 01/2-02-1791/22-7 od 23.09.2022 kojim se traži mišljenje o Inicijativi zastupnika Zijata Mušića, nakon sveobuhvatne rasprave, Komisija je jednoglasno donijela sljedeći:

ZAKLJUČAK

Komisija ponovo traži od Odbora za boračka i invalidska pitanja Predstavničkog doma PFBiH da što hitnije razmotri Inicijativu za davanje autentičnog tumačenja čl.1.,2.,3. i 5. Zakona o vanrednom usklađivanju penzija ostvarenih po Zakonu o službi u Oružanim snagama Bosne i Hercegovine, koju je podnio zastupnik Zijat Mušić i svoje mišljenje dostavi Predsjedavajućem Predstavničkog doma PFBiH, radi dalje procedure propisane Poslovníkom Predstavničkog doma PFBiH.

Ad-2

Prijedlog prečišćenog teksta Zakona o budžetima u Federaciji BiH („Službene novine Federacije BiH“, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22)

Na osnovu člana 34. Zakona o izmjenama i dopunama Zakona o budžetima u Federaciji BiH („Službene novine Federacije BiH“, br.: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22) Komisija je razmatrala potrebu za izradu prečišćenog teksta Zakona o budžetima u FBiH. Detaljno je analizirala spis Prijedloga prečišćenog teksta Zakona o budžetima u FBiH broj:01/2-02-1017/22 od 7.6.2022.godine, koji je uputilo Federalno ministarstvo finansija. Zakon o budžetima u FBiH je do sada pretrpio deset izmjena/ dopuna izvornog teksta što otežava praćenje sadržaja propisa. U cilju lakšeg, transparentnijeg i jednostavnijeg praćenja teksta zakona nužno je utvrditi prečišćeni tekst. Nakon rasprave Komsija je jednoglasno zaključila da, na osnovu člana 215. Poslovníka Predstavničkog doma Parlamenta FBiH (“Službene novine Federacije BiH“, br.69/07, 2/08 i 26/20) i člana 212. Poslovníka o radu Doma naroda FBiH (“Službene novine Federacije BiH 27/03, 21/09 i 24/20“), traži od Federalnog Ministarstva finansija da dostavi prijedlog prečišćenog teksta Zakona o budžetima u FBiH u sedam primjeraka na bosanskom jeziku, srpskom jeziku i hrvatskom jeziku.

Ad-3

Dopis Notarske komore Federacije BiH broj:2-466-2-3/22 od 27.9.2022 koji se odnosi na očitovanje Komisije u vezi primjene sljedećih federalnih zakona: Zakona o notarima, Zakona o stvarnim pravima, Zakona o zemljišnim knjigama, Zakona o nasljeđivanju, Porodičnog zakona i Zakona o registraciji poslovnih subjekata čije su pojedine odredbe bile predmet ocjene ustavnosti po presudama Ustavnog suda Federacije Bosne i Hercegovine broj U-15/10, U-22/16 i U-20/22

Komisija je detaljno razmotrila dopis Notarske komore Federacije BiH broj:2-466-2-3/22 od 27.9.2022 koji se odnosi na očitovanje Komisije u vezi primjene sljedećih federalnih zakona: Zakona o notarima, Zakona o stvarnim pravima, Zakona o zemljišnim knjigama, Zakona o nasljeđivanju, Porodičnog zakona i Zakona o registraciji poslovnih subjekata čije su pojedine odredbe bile predmet ocjene ustavnosti po presudama Ustavnog suda Federacije Bosne i Hercegovine broj U-15/10, U-22/16 i U-20/22, te nakon sveobuhvatne rasprave predlaže Predstavničkom domu PFBiH da usvoji sljedeći:

ZAKLJUČAK

Traži se od Vlade Federacije BiH da u parlamentarnu proceduru uputi sve izmjene i dopune svih zakona koje se odnose na realizaciju presuda Ustavnog suda Federacije BiH i Ustavnog suda BiH.

Za izvjestioca u Predstavničkom domu određen je gospodin Albin Muslić, predsjednik Komisije.

PREDSJEDNIK KOMISIJE
Albin Muslić s.r.